

獻縣志



志為一縣掌故備載其人
物事蹟文章故閱時久則
宜續獻地當衝衢明建文
間南北兵爭邑人無復存
志莫考己永樂二年遷近
省人實畿輔而獻始有民
至萬歷初乃有志今之志
乾隆辛巳所修也辛巳迄
今幾百年應志者不乏而
癸丑甲寅迭歷兵燹案牘
皆散軼詢諸故老無能記
百年事者失今弗續將



時之應志者亦歸湮沒不
重可惜哉予於乙卯莅茲
土即屬紳耆悉力採訪隨
時編次名曰初續獻縣志
以前志向稱善本不可廢
也輿地建置食貨禮樂武

二

備封建不復志前志已備
也首人物於選舉重實行
也生者不志論未定也匹
夫窮黎則附載以其無力
恐久而失傳也貞女節
生亦志

國家所旌也其未旌者皆
例所必旌而無力請焉者
也選舉志及籍隸他邑者
以其世居獻邑也既成帙
質諸同人遂捐廉俸付之
梓欲獻之人士讀之有所
觀感興起而為善也著述
家成一書皆自謂盡善及
經後人指摘則罅漏百出
予為此舉杜請託絕瞻徇
廣事搜羅而寬之以時
惟冀無善不彰於世

心少有裨益至於言之不
文非所計也由是隨時裏
輯而更續之則所望於後
之君子

咸豐七年歲次丁巳冬十
月上浣穀旦李昌祺撰

初續獻縣志

欽加五品銜知獻縣事李昌祺纂輯

參閱

陞用同知直隸州知州署獻縣事何道達

欽加同知銜知獻縣事陳崇砥

教諭

官政

訓導

陳成烈

平山縣教諭

邑人史光簡

戶科給事中

邑人包煒

初續獻縣志

採訪

耆民 尹廷元 王殿元 鄭廷震

生員 鄭廷雲 馬永修 程圖南 黃汝明

馬龍騶 祁壽愷 高雲卿 戈寶林

楊廷昕 蔡效朱 趙彥斌 史光輅

張莖 王家緒 黃榜 董蔭普

王瀾 王題橋 楊廷暄 李錫純

貢生 劉瀛 劉濟源

監生 盧紱 王江齡

布政司理問

楊萼文

舉人

紀 渙

周維祺

魏曝之

李錫珍

羅永欽

高錫疇

童生

丁其章

王冠鼇

蔡麟洲

路麟璋

初續獻縣志

二

初續獻縣志例

修邑乘者多不存前人原本獻縣志以陸清獻公靈壽縣志爲標準頗稱完善茲不敢掠美用存廬山真面目凡續纂者自爲一書名曰初續以繼修待後人也

前志懲舊志簡陋務求詳盡食貨禮樂諸門無可增益惟古蹟間有遺漏建置不無變更而選舉人物兩門乃應隨時增輯者百年未續湮沒已多今悉力蒐羅要以闡發幽光爲主

前志典文內備載諸誥敕目所封贈姓名具已復志封初續獻縣志

一

職似贅至載及例貢捐職皆無謂今並從刪惟邑人士有老而能文蒙 欽賜翰林職銜及舉人副榜並與千叟宴者不容不志特增人瑞一門收之其捐貲出仕者併入散仕

前志人物列目十餘今爲酌減而更定其目次日孝友日忠節日善行日政績日文學日武功

前志於士行條分縷析至列女則渾而一之茲判爲四日貞日孝日節日烈

前志所載詩文往往無關緊要而雜志並及小仙聯句

識者比諸陶令賦閒情焉雖獻王陵懷古諸作似應照
載第五吾邑古蹟頗多近人題詠亦極富詩文並採卷帙
難容俟擇其尤者入獻陵詩文選茲惟錄傳人紀事足
資考證之作

孝友

前志孝友列儒林名臣政事文學武功忠節後以所志愚夫愚婦不足與搢紳先生爲伍也竊謂愚夫愚婦而以孝友著搢紳先生皆宜敬而重之故以是冠諸首

范天福少孤事母孝姊適某氏夫與族人鬥呼天福往助之因共斃仇歸罪天福置之獄母痛欲死遂遘疾以歿已而天福以赦免乃葬母廬墓側每晨起以衰

初續獻縣志

包土培母墓風雨無間三年父老詣縣白邑侯侯王大猷賢宰也以孝行可風表其閭

王旣明窶人子也母病甚思肉苦無貨將貨諸鄰口復啞脚躄終日入夜不能寐而母復索之遂割股肉烹以進母喜食之病良已詎曰必吾兒肉也不然豈能愈病耶強視之創已平矣迄今封痕如掌色豔紅入夏田間作苦人往往見之問其故曰嘗患瘡耳

宋成玉善事繼母繼母有子女玉皆厚愛之家故貧玉於父歿後致殷富公諸弟妹嫁而寡玉迎歸養之

身焉性復慷慨戚友有所需輒往貸累數萬緡將殞
取其券悉焚之

陳文清事母至孝母病革屬續矣清哭禱於天願損己
壽十年爲母壽其妹亦然母竟愈越二十年乃歿

李茂滋事母至孝道光辛巳疫大作病者輒死滋母病
危乃割左股肉烹以祭天並食母母竟愈

張榜道光甲午科副榜也事繼母以孝聞復友于弟弟
以事被逮榜廢寢食營救力竭不得脫遂憤懣遘疾
以歿

初續獻縣志

二

齊孝子者軼其名父以罪戍黑龍江歿孝子尙幼稍長
往求父骨而家貧無資斧乃屑豆爲末丸之衣以赭
土詐爲藥沿途售之買服者病危亦愈以是得重價
達父戍所獲其骨以篋負歸忽遇盜開篋見骨問之
孝子爲泣陳盜憫之共贈以金方拜謝一盜忽擲踊
大慟曰此人孱弱如是尙數千里外求父骨吾親歿
於肅州顧不能使骸骨歸故鄉耶今決計往矣其黨
呼使別妻子不顧而去其至性感人如此

王好德有至性堂叔道俊家中落德常周之歿爲殯葬

俊子巨德有女子四以貧外出好德爲收養長貴嫁之巨德客死好德命子殿元往歸其骨

鄭蘭音以廉讓友愛聞於鄉兄游閒多子女復縱口腹欲音竭厥營致以養之每食以甘旨供兒而自啖粗糲至六十餘歲如少時嘗與人賈被乾沒鄉人皆爲不平音甘之終身不言其事老而病目耳復聾家貧益甚族子叔溥感其德贈錢若干緡堅卻弗受

馬仁溥事親以孝聞親歿祭祀敬謹館於外必載木主以往主人或不許館穀雖豐不就也喜談易修吉悖

初續獻縣志

三

凶之理言之鑿鑿聞者加謹恪焉

陳漳性孝友與諸弟同居七十餘年無間言有議析居者輒隕涕相向後生齒至五十餘口四世一堂雍睦甚晚而善醫有爲父母求治者雖深夜必起兼施藥問方者常接踵每日盱不得食怡然不倦

劉茂才新田有至性父衰老晝夜不離左右吹笛歌曲談古今事以娛之父欲出瞻眺而老憊不能行則負之遊父病半載未嘗解衣卧既歿數年猶哭或以過禮規之曰吾豈不知但感時觸事不能自主耳至老

歲時致祭嘗湯潤沾襟補善針灸活人頗多性疾惡
好善或納於邪痛規之改而後已聞行善者往往走
百餘里見其人加獎勸焉年八十有二無疾而逝
劉紳矢人也性伉爽輕財重義善讀書博覽強記老宿
不能及弟縉聽婦言邀戚族議析居紳方與人爲葉
子戲置之謂眾曰我習藝可自養田宅應盡與弟無
議分也眾喜而去紳遂戲如初後弟屢負人債紳輒
代償之

鄭蘭達幼喪明父以爲憂命習禪官家言或笑之父曰

初續獻縣志

四

此吾歿後餽口法也時達家頗饒咸以爲過及父歿
族人侵其產遂貧苦達乃遊於外每奏技必談忠孝
節義事聽者神怡或曲陳匪人惡報敗德者聞而改
轍焉性至孝母悞中薑酒毒因病肺名醫束手達泣
禱於神願以己壽十年借母每夜跪禱不應請五年
復不應請與母同死曰如再不應是天下無鬼神也
母夢神以藥如寶珠醫己曰爾病應不起爾子欲以
壽借爾故醫爾但須減爾子算耳母因不忍服達聞
母夢大哭因晝夜侍母側八月母歿哀毀骨立後以

身殉焉後達有子一人孫三人曾孫九人皆讀書有聲庠序間將歿召族人力勸之問夜何其告之曰尙早仍勸諭旣而曰可矣具衣冠就榻卧與家人作別而歿壽七十有九

盧廷勳性孝友兄歿遺孤幼父母憂之勲體親心使孤姪無事不得其所父母喜忘喪子之痛焉慷慨好施親族婚喪力不能舉者傾囊助之無德色

盧彩幼失恃繼母王其母妹也視如己出彩亦事之如其母人兩賢之初讀魯論謂人曰此書首言學卽言

初續獻縣志

五

孝悌孝悌其學之急務乎繼母生彭彩奇愛之少長自教之同補博士弟子員後彭鄉會試皆掄魁以彩尙爲諸生未嘗喜而彩喜甚不覺其未獲一第也人亦兩賢之

孫八寶人子也事母至孝爲人傭得直輒以其半市甘旨奉母儲其半爲異日用往往自忍餓色怡然其母不知也母病痿不能出門戶欲至嚮巷入輒負以行張孝子軼其名事母至孝母病甚孝子泣禱於神請三冬不著履屨以救母北地苦寒及月 赤足者孝子

蓋信釋老家言百苦以贖母罪也已而母竟愈孝子
遂赤足行冰雪中三年足無恙

李虎農家子也事母至孝以母病禱神請三冬不著履
鞭並賽神母亦愈虎遂赤足行村人憐其貧恐其傷
足無以養母也共勸之乃賽神著履

陶大事母至孝爲人傭每歸必攜甘旨以奉母母歿悲
噉聞者泣下

劉暉性孝友侍父疾十餘年衣不解帶事母備極色養
暉常經營於外暮歸則率婦子集堂前擊鼓說稗官

初續獻縣志

六

家言羅列甘旨俾子女嬉笑以娛母俟母倦乃歸私
室歷數十年如一日兄旭老病性急暉曲意事之俾
兄喜而忘其疾姊妹皆素封暉悉爲預置美楨從父
貧無子暉事之誠生養死葬皆極厚每歲暮贍族眾
乏者必周而以不能使皆富爲憾子廷訓舉道光乙
未鄉試亞元

郭興老農也事母至孝家人化之皆孝甚母嘗病篤興子明德明友竊嘗其矢甘大哭遂父子晝夜呼天稽顙請損己壽益母壽母竟霍然起後十年母以老病癱蝨忽生興年已七十日昏乃取母布被徧齧之蝨由是絕所居室狹母苦熱入夏戶牖洞開蠅蚋皆不入母久卧欲起興妻輒抱之坐坐輒數移暑母體豐碩興妻弱人咸異之母善飯苦祕結每遺矢則子孫婦手出之越七年不復食興女孫請於舅姑置其子歸而乳之數月母含曾女孫乳笑而逝

周光宇孝子也門學政表其閭者四

明季 大兵至縣邑侯張畧率縣人登陴拒守七晝
夜殺傷過當城破死之士民憤厲巷戰無逃者故高
氏一門死節至百八十餘人嗚呼烈哉咸豐癸丑甲
寅逆匪兩入縣城無門焉者然士民自奮拒賊死者
猶數十人忠義之氣根於性臨事而發不能以自遏
豈必有倡之者哉

戴青峯武茂才也咸豐癸丑九月聞逆匪將至帥義勇
入城以城中無備不可守而城外又無他隘要惟雙

初續獻縣志

隄口對峙滹沱上當賊衝乃帥眾往據之賊至邑侯
遽退眾心遂搖青峯帥其屬力戰死

倪雲鶴武茂才也居邑東周官屯咸豐甲寅逆匪回竄
過其里生鏗口乘屋罵賊有笑其怯者生怒甚竟躍
下與賊鬥賊懼其健誘使入城至中途猶有見其曳
馬上賊擲地者既入城遂鬥而死越日賊遁里人收
其尸傷痕徧體口旁掌內右臂傷尤甚而指爪間皆
賊髮云

四義士者燕司馬晉所領鄉勇也咸豐癸丑九月廿